

تاریخ هجری ۱۳۳۱

نومرو ۶

تاریخ رومی ۱۳۲۹



۱۸ رجب

اعتقاد لری

حزیران ۱۰

پازار ایرتسی کونلری نشر اولنور اسبوعی اسلام جریده سیدر .

مدرسه القضاء بنای جدیدینک

دور و تسلیمی

انحطاط مدارسك علامم منصوبه سی اولق اوزره وجوده كه تیرلش بولنان « دارالتدریس » لردن بردانه سی ده عنوان اولی وجهله « معلم خانه نواب » در . مدارس لفظك مضمون معلاسی حقیقت مهجوره حكمنی آمازدن مقدم . عرصه دولته نه « كستخانه طلاب » ، نه ده « معلم خانه نواب » نامیه بر مؤسسه خیره موجود دكلدی چونكه مدارس علوم اویله بر آب حیات چشمه سی ایدیكه سبول فیوضی ، صنوف ملتك صحرای افكارنی استیلا ایدیور ، شعبات دولتك بطحای احتیاجنی لبالب طولدیریور و بوسه اب آسا مكشیلردن استسقایه ، استمداده حاجت قالمیوردی . وقتا كه او كوتر عرفانك شراب فیضه تراب جهل قاریشماغه باشلادی بر شاعرك لسان حیرتله :

کیان رفته اند و کیان آمده

بجای هما ما کیان آمده

دیدیکی کی بدبضاصاحبیری کیده رك لرلرینه بدسودا مالکبری کلسدی آرتق مكاتب نامیه بر طاقم شعبه لر تأسیس ایدلدی ، ایشته بونلرك بر ذیل مختصری اولق اوزره ده شمیدیکی « معلم خانه نواب » مجموعه تنظیماته کچیرلدی . بوبنانك جسمی قلندر اولقله برابر روحی علوی ، فیضی قدسی ایدی . دولتك روحی دیمك اولان محکمه تمیز من بیه بوکون اولقلندر خانه ده یتیشن ذوات متازنهك عهدۀ اقتدار و فضیلتلرنده بولنیور . فقط اوده مدارسك بر شعبه سی اولدیفندمی در یوقه نه دندر ؟ نانکورلنك شراره استخفافنه معروض قالمیوردی . شمدی ایسه استخفافه بدل

استحسان ایدلمكه باشلادی . ایلک علامت استحسان اولق اوزره درس نظامنامه سنه قوانین عدلیه تدریسی علاوه اولمش ایدی . ایکنجی برنشانه تقدیر اولق اوزره ده فیضیه ، علوییه . متناسب بر بنا وجوده کتیرلدی . ایچه زماندبری انشا ایدلمكه بولنان بنای جدیدك نواقصی ا کمال اولنه رق کچن چهارشنبه کونی دور تسلیم رسمی اجرا قلندی . حاضرین ایچنده شیخ الاسلام افندی حضرتلری ، مستشار سعید افندی حضرتلری ، دفتر خاقانی ناظری محمود اسعد افندی حضرتلری ، اوقاف ناظری خیری بك افندی حضرتلری ، محکمه تمیز رئیس علی حیدر افندی حضرتلری ، بنه محکمه مذکوره اعضا سندن قیصریلی حمدی افندی حضرتلری ، درس و کبلی حاجی علی افندی حضرتلری ، الحاصل هیئت معلمه ایله برابر دها بر جوق رجال علمیه ده بولنیوردی . شیخ الاسلام افندی حضرتلرینك دعاسیه رسم تسلیم و تسامی نهایت بولدی . قابوسنك اوسستنه صیره اوزره اولاً « بین الناس حکم ایتدیگنک زمان عدل ایله حکم ایدیگر » ، مألده کی آیت جلیله ، صوکره اورتهیره « مدرسه القضاء » عنوان موافقی ، دها صوکرده ده « قضاء عدلی الشیعم فرائض شرعیه دندر » مفادنده کی حدیث شریف یازمشدرکه کیروب چیقدهجه قابونك اوستنه باقه رقی ا کا کوره حرکت ایده جك قاضیلر یتش مه سنی جناب « ا حکم الحاکمین » دن تمی ایلرز .

احمد شیرانی